

CENTRALNA BANKA BOSNE I HERCEGOVINE

Na osnovu člana 39. Zakona o Centralnoj banci Bosne i Hercegovine («Službeni glasnik BiH», broj 1/97, 29/02, 13/03, 14/03, 9/05, 76/06 i 32/07), Upravno vijeće Centralne banke Bosne i Hercegovine na 3. sjednici od 26. marta 2009. godine, donosi

O D L U K U **o povlačenju iz opticaja novčanica,** **apoena 5 konvertibilnih maraka**

1. Centralna banka Bosne i Hercegovine (u daljem tekstu: Centralna banka) povlači iz opticaja novčanice, apoena 5 konvertibilnih maraka, koje se nalaze u opticaju kao zakonsko sredstvo plaćanja u skladu sa Odlukom o izdavanju i puštanju u opticaj novčanica konvertibilne marke («Službeni glasnik BiH», broj 10/98).

2. Povlačenje novčanica iz tačke 1. ove odluke obavljaće komercijalne banke počev od 1. aprila 2009. godine, zaključno do 31. marta 2010. godine.

Centralna banka će, povučene novčanice iz tačke 1. ove odluke, primati od komercijalnih banka putem izdvojenih trezora, sukcesivno u periodu iz stava 1. ovog člana, a najdalje do 10. aprila 2010. godine.

3. Imaoci novčanica iz tačke 1. ove odluke mogu nesmetano vršiti plaćanja tim novčanicama u prometu, zaključno do 31. decembra 2009. godine.

4. Počev od 1. januara 2010. godine, novčanice iz tačke 1. ove odluke prestaju biti zakonsko sredstvo plaćanja i ne mogu se primati u prometu za podmirivanje bilo kakvih obaveza.

5. Ova odluka stupa na snagu danom objavljivanja u «Službenom glasniku BiH», a objaviće se i u «Službenim novinama Federacije BiH», «Službenom glasniku Republike Srpske» i «Službenom glasniku Brčko Distrikta BiH».

100-UV broj: 369/09
26. mart 2009. godine
Sarajevo

Predsjedavajući
Upravnog vijeća Centralne banke
Bosne i Hercegovine
G U V E R N E R
dr Kemal Kozarić